

سچی گل سُنیوے کیونکر، کچی ہڈاں وچ رچی

پچھلے کجھ دناں دیاں گھٹناواں ول غور کریئے تاں پتہ لگدا ہے  
کہ سدر او باما تے امریکہ دا حاکم ٹولا، اتے پاکستان دا حاکم  
ٹولا ہر روز نواں جھوٹہ لوکاں نوں پروس رپے ہن۔ یوسف رضا گلانی  
نے پارلیمنٹ وچ بہت ہی دھوناندھار تکریر کیتی اتے ہر تران  
دے فریب نوں سچ بنا کے دس دی کوشش کیتی۔ اک پاسے گلانی صاحب  
دی تکریر دا رولا پیا ہویا سی دوجے پاسے ایہ خبراں وی آگیاں  
کہ ایہ سبھ اک منسوبے تہت ہی ہو رہیا ہے۔ امریکہ جو چاہے  
اوہ پاکستان وچ کریگا اتے پاکستان دے سیاسی اتے فوجی لیڈر  
اس دی دھوناندھار تکریراں راہیں ضرور نکھیدی کرنگے پر عمل  
وچ کجھ نہیں کرنگے۔ اس تران سامراج اتے حاکم ٹولا اپنے مفاد  
پورے کردا رہے گا۔ انہاں دی ایہ کارج ودھی ہے۔

اسے تران ہندوستان وچ منموہن سنگھ بڑی ہولی ہولی آواز وچ میسنا  
بن کے شریام جھوٹہ بولدا ہے پر سارا حاکم ٹولا اتے اوناں دیاں  
پارٹیاں اتے میڈیا اسدی کہی نوں سچ بنا کے پیش کردے ہن تے  
کہندے ہن کہ منموہن سنگھ بڑا ہی اماندار تے دیانتدار ہے۔ صاف  
ہے کہ حاکم ٹولے دا کوئی وی ادارہ سچائی اتے حقیقت نال بچھن  
نوں تیار نہیں اتے نہ ہی اس سچائی نوں تسلیم کر سکا ہے۔

حاکم ٹولے دا اکو ہی نشانہ ہے آپنیاں جیباں بھرنیاں اتے اپنے  
مُنافے وڈھ توں وڈھ کرنے۔ پر اس نشانے نوں ایہ سدھے اتے  
صاف طور تے پیش نہیں کر سکدے اس کر کے اوہ اپنی ساری کاروائی  
مُلک دی اتے قوم دی بھلائی لئی ہی دسدے ہن۔ انہاں دیاں ساریاں  
ہی سیاسی پارٹیاں دا وی اکو منتو ہندا ہے کہ گرسی نوں چنڈے  
رہنا تے حاکم ٹولے دا پگھ پورنا۔ پر کیونکہ سیاسی طاقت ایہ

لوکاں توں اوناں دے ناں ہیٹھ ہی لیندے ہن اس کر کے موجودہ سمیں  
 وچ ایہ سدھے طور تے ایہ گل کہ نہیں سکدے تے انہاں نوں  
 اپنے سارے سوڑے ہت اتے مفاد حاصل کرن دے منسوبے اُپر لوکاں  
 دے ناں دی چادر پاؤئی پیندی ہے۔ ایہ انہاں دی مجبوری ہے۔ جے  
 آپنا کم اس توں بغیر چلا سکدے ہوں تاں انہاں لئی اس توں ودی  
 خوشی کوئی نہیں ہوویگی۔

اپنے منافیاں لئی ایہ لوکاں اتے ہریک حملہ ملک دی سلامتی، جمہوریت،  
 سوشلزم، منگھی ہگاں اتے لوکاں دے بھلے دے نعریاں ہیٹھ ہی کردے  
 ہن۔ پچھمی بنگال وچ سی پی آئی (ایم) نے پچھلے ۳۴ سالوں توں کمیونزم  
 دے ناں ہیٹھ لوکاں تے بہت ہی زیادہ پھاشی حملے کیتے ہن اتے  
 امیراں دیاں جیباں بھریاں ہن اتے آپنیاں وی۔ مثال دے طور تے  
 ٹاٹا اتے انبانی دیاں جیباں بھرن دے علاوہ جوتی سو دے پتر نے  
 وی تقریباً ہزار کروڑ دا کاروبار قائم کر لیا ہے۔ اسے تراں ہرکشن  
 سنگھ سرجیت دے پتر نے وی سینکڑے ایکڑ دے فارم اتے ہور  
 جائداد بنا لئی ہے۔ ایہ کوئی حیرانی والی گل نہیں کہ بنگال اتے ہور ناں  
 تھانواں تے لوک انہاں کمیونسٹاں توں دکھی ہن۔

آج دے دور وچ ریاست سماج دا سبھ توں زیادہ اہم ادارہ بن  
 گیا ہے۔ حاکم ٹولا اپنے مفاد ریاست تے کنٹرول کیتے بغیر کیتے  
 پورے نہیں کر سکدا۔ ریاست تے کنٹرول ایہ لوکاں دے ناں اتے لوک  
 پکھی نعریاں اتے وعدیاں بغیر نہیں کر سکدا۔ ایہ کم حاکم ٹولے  
 دیاں پارٹیاں وگھ وگھ نعریاں ہیٹھ لوکاں دیاں اکھاں وچ دھوڑ  
 پا کے کردیاں ہن۔

حاکم ٹولا اپنے منافعے لوکاں دا ناں ورتے بغیر نہیں ودھا سکدا  
 تے اس لئی ایہ ساریاں ہی پارٹیاں، بھاوے اوناں دا جھنڈا کوئی  
 وی ہووے، گل تاں غریبی ہٹاؤن دی کردیاں ہن پر اوناں دے سارے

کم ریاست دی طاقت ہتھیا کے لوکاں دی چھل لائین دے ہندے ہن۔  
اس لئی غریبی ودھدی جاندی ہے تے لوکاں دے حالات بد توں بدتر  
ہندے جاندے ہن پر حاکم ٹولے دے منافعے ودھدے جاندے ہن۔ حاکم  
ٹولے تے امیراں دی خوش حالی پور ودھدی جاندی ہے۔

حاکم ٹولے دے مدبّر، ماہر آتے دانشور ٹیقوی چینلاں دیاں گلاناتاں  
راہیں آتے اخباراں دے کالماں وچ اس حالات نوں لوکاں لئی ودھیا  
دسدے ہن آتے کہندے ہن کہ ہولی ہولی خوش حالی حاکم ٹولے توں  
لوکاں تائی وی پھنچ جاویگی۔ لوکاں نوں صبر کرن دی لوڑ ہے آتے  
ملک آتے قوم دے سارے وسیلے حاکم ٹولے دے حوالے کرن دی لوڑ  
ہے۔ جیوں جیوں حاکم ٹولے دے منافعے ودھنگے اوس نال لوکاں دا وی  
بھلا آپنے آپ ہی ہندا جاویگا۔ جھوٹھ آتے فریب دا ایہ راگ حاکم  
ٹولے، اوناں دیاں سرکاراں، سیاسی پارٹیاں آتے میڈیا پر روز دہراؤندے  
رہندے ہن۔

حالات حاکم ٹولے نوں ہر قدم تے جھوٹھ آتے فریب لئی مجبور کردے  
ہن۔ آپنے مفاد لئی ایہ غلطی نال وی سچ نہیں بولدے کیونکہ سچائی  
انہاں دا پگھ نہیں پور سکی۔ انہاں دے مفاد دے اُلٹ جاندی ہے۔  
سچائی لوکاں دے پگھ آتے ہت وچ ہے۔ انہاں لئی ایہ بہت ہی  
ضروری ہے کہ سچائی آتے فریب دا پردہ پایا جاوے۔ اس لئی اوباما،  
منموہن سنگھ، اڈوانی، گلانی آتے حاکم ٹولے دے پور لیڈر سچ کدے  
بول ہی نہیں سکدے۔

نہ صرف ایہ سچ بول ہی نہیں سکدے بلکہ حق سچ دی گل ایہ سن  
وی نہیں سکدے۔ حق سچ دی گل کرن والیاں نوں ایہ بھنددے ہن آتے  
تسیہے وی دندے ہن۔ ہندوستان وچ ڈاکٹر بنائک سین اس دی اک  
تازی مثال ہن۔ ڈاکٹر بنائک سین نے حق سچ دی آواز اٹھائی تاں

اوسنوں عُمر قید دی سزا سُنا دتی گئی سی۔ شاہ حسین نے کہا سی:

-

میاں گل سنی نہ جاندی سچی  
سچی گل سنیوے کیونکر، کچی ہڈاں وچ رچی  
سچی گل سنی تنہاں، چنگ جنہاں تن سچی